

حبيبتي .. وبنتى .. وأختى !!

أنا شايفك طول الوقت

حبيبتي وبنتى وأختى

من اول لحظة انا بيكى امنت

وقلت دى هى مرايتى ..



وأنا قبلك كل سنينى ضايعة

وراحت ع الفاضى

قضيتها ما بين واحدة وواحده

وحب كان عادى

احساسك خدنى ومش هارجع

مبقاش دلوقتى خلاص ينفع

غير إن ايديا خلاص ترفع

بدعايا تكونى ام ولادى ..

والحلم اللى انا عشته اتحقق

وبقيتى خلاص بين احضانى

طب اعمل ايه علشان اصدق

غير انى احبك من تانى

ده انا عشت سنينى علشان احبك

وسنين انا بحلم اجيب منك

حد يشبهنى ويشبهلك

ده كائنك مخلوقة عشانى !!..

